

საქართველოს მეცნიერებათა ეროვნული აკადემია



**CPV კოდი 34110000- მსუბუქი ავტოსატრანსპორტო საშუალების შესყიდვა
გამარტივებული ელექტრონული ტენდერის საშუალებით**

სატენდერო დოკუმენტაცია

წინამდებარე დოკუმენტაცია შედგენილია „სახელმწიფო ავტოპარკის გადანაწილების, კლასიფიკაციისა და სამსახურებრივი ავტომანქანის შესყიდვის ან ჩანაცვლების წესის დამტკიცების შესახებ“ საქართველოს მთავრობის 2014 წლის 6 თებერვლის №121 დადგენილების, საქართველოს მთავრობის 2014 წლის 12 აგვისტოს №1420 განკარგულებისა და სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე

ქ. თბილისი 2014 წელი

სარჩევი

1. ინსტრუქცია გამარტივებულ ელექტრონულ ტენდერში მონაწილეთათვის -----	3
2. ტექნიკური დავალება -----	4
3. სახელმწიფო შესყიდვის შესახებ ხელშეკრულების პროექტი -----	6
4. დანართი №1 რეკვიზიტები -----	10
5. დანართი №2 აფიდავიტის საილუსტრაციო ფორმა -----	11
6. დანართი №3 ფასების ცხრილი -----	12
7. დანართი №4 ავტომობილის ტექნიკური მაჩვენებლების შესახებ ინფორმაცია---	13

1. ინსტრუქცია გამარტივებულ ელექტრონულ ტენდერში მონაწილეთათვის

- 1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.
- 1.2. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.3. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).
- 1.4. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.5. ტენდერით მოთხოვნილი არ იქნება გამარჯვებული პრეტენდენტის მხრიდან საკვალიფიკაციო მონაცემების დამადასტურებელი დოკუმენტების წარმოდგენა.
- 1.6. ტენდერში გამოყენებული იქნება საგარანტიო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება 120 კალენდარული დღით ტენდერისათვის „წინადადების მიღება დაწყებულია“ სტატუსის მინიჭების ეტაპიდან.
- 1.7. ტენდერში არ იქნება გამოყენებული ხელშეკრულების უზრუნველყოფის საბანკო ან/და სადაზღვევო გარანტია.
- 1.8. პრეტენდენტს არა აქვს უფლება წარმოადგინოს ალტერნატიული წინადადება.

ინსტრუქტაჟი შესაძლებელია ასევე იხილოთ: <http://procurement.gov.ge>

სატენდერო დოკუმენტაციის შესახებ დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:

ღალაი ჟვანია 598 640 750; 2 99 73 72

2. ტექნიკური დავალება

2.1. შესყიდვის ობიექტი- მეორადი მსუბუქი ავტომობილი.

ავტომობილის ტექნიკური მახასიათებლები

ძრავის მოცულობა არანაკლებ	1.6
ცხენის ძალა არანაკლებ	105
გადაცემათა კოლოფი	მექანიკური, არანაკლებ 5 საფეხურიანი
სიგრძე არანაკლებ	4483
სიგანე არანაკლებ	1760
სიმაღლე არანაკლებ	1445
უსაფრთხოების დამადასტურებელი დოკუმენტი	IIHS (ამერიკული ქრშ ტესტი)
ელექტრო შუშები	ოთხივე
აუცილებელი მოთხოვნა	სათადარიგო საბურავი
აუცილებელი მოთხოვნა	მინიმუმ 4 უსაფრთხოების ბალიში
აუცილებელი მოთხოვნა	კონდიციონერი
აუცილებელი მოთხოვნა	აუდიო სისტემა
აუცილებელი მოთხოვნა	საჭის გამაძლიერებელი
აუცილებელი მოთხოვნა	ABS
აუცილებელი მოთხოვნა	უკანა საქარე მინის ელ. გათბობა
ფერი	თეთრი
გამოშვების წელი არანაკლებ	2008

შენიშვნა: წარმოდგენილი ტექნიკური მახასიათებლები მინიმალური აუცილებელი მოთხოვნაა და პრეტენდენტების მიერ მათი გაუმჯობესება არ იზღუდება.

2.1.2. შესყიდვის ობიექტის საორიენტაციო ღირებულება –36 280 (ოცდათექვსმეტიას ორასოთხმოცი) ლარი;

(კანონმდებლობით გათვალისწინებული გადასახადების ჩათვლით)

2.2. აუცილებელი პირობები:

2.2.1. მისაწოდებელი ავტომობილის შემსყიდველისათვის გადაფორმების მიზნით შესაბამის ორგანოებში რეგისტრაციის ხარჯი უნდა აანაზღაუროს მიმწოდებელმა.

2.2.2. მისაწოდებელი ავტომობილი უნდა იყოს განბაჟებული და არ უნდა აღენიშნებოდეს ავტოსატრანსპორტო შემთხვევის კვალი (ნაავარიები).

2.2.3. ტენდერში მონაწილე ის პრეტენდენტი, რომელიც სრულად აკმაყოფილებს შემსყიდველის მოთხოვნებს და წარმოადგენს ყველაზე დაბალ ფასს გამარჯვებულად გამოცხადდება მხოლოდ მასს შემდეგ, როდესაც საქართველოს მეცნიერებათა ეროვნული აკადემია ჩაუტარებს მანქანას ტექნიკურ დათვალიერებას.

2.2.4. ტექნიკური დათვალიერების ხარჯების ანაზღაურება მოხდება მომწოდებლის მხრიდან.

2.3. შესყიდვის ობიექტის მიწოდების ადგილი და ვადები

2.3.1. შესყიდვის ობიექტის მიწოდების ადგილი – ქ. თბილისი რუსთაველის 52

2.3.2. შესყიდვის ობიექტის მიწოდების ვადა – ხელშეკრულების დადებიდან, 5 დღეში.

2.4. ფასები, ანგარიშსწორების პირობები და ვადები:

2.4.1 სახელმწიფო შესყიდვების ერთიან ელექტრონულ სისტემაში შემოთავაზებულ სატენდერო წინადადების ფასში საერთო და ერთეულის ფასი გამოსახული უნდა იყოს საქართველოს კანონმდებლობით დადგენილი შესყიდვის ობიექტის მიწოდებასთან დაკავშირებული ყველა ხარჯის და გადასახადის გათვალისწინებით. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას;

2.4.2. ანგარიშსწორება ავტომატურად განხორციელდება უნაღდო ანგარიშსწორებით ლარში, მიმწოდებლის მიერ მისი ფაქტიური მიწოდების (შემსყიდველის სახელზე გადაფორმების) საფუძველზე შედგენილი მხარეთა შორის მიღება-ჩაბარების აქტის გაფორმებიდან 15 (თხუთმეტი) სამუშაო დღის ვადაში.
– წინასწარი ანგარიშსწორება (ავანსი) არ გამოიყენება;

2.5. დაფინანსების წყარო: სსიპ „საქართველოს მეცნიერებათა ეროვნული აკადემიის“ 2014 წლის საკუთარი სახსრები.

2.6. ხელშეკრულების მოქმედების ვადა: განისაზღვრება სახელმწიფო შესყიდვის შესახებ ხელშეკრულების დადებიდან 31 ოქტომბრის ჩათვლით.

2.7. სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციის და სატენდერო წინადადების ფასის) წარდგენით პრეტენდენტი ავტომატურად ეთანხმება:

- შესყიდვის ობიექტის მიწოდებას ტექნიკურ დავალებაში მოცემული მახასიათებლების, პარამეტრების და რაოდენობების მიხედვით;
- ინფორმაციას მიწოდების პირობებისა და ვადების შესახებ;
- ინფორმაციას ანგარიშსწორების პირობების და ვადების შესახებ.

3. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

————— 2014. წელი

ერთი მხრივ, საქართველოს მეცნიერებათა ეროვნული აკადემია (შემდგომში - შემსყიდველი) წარმოდგენილი მისი პრეზიდენტის მოადგილე უფროსის **იოსებ ბაჩიაშვილის** სახით და მეორე მხრივ, ————— (შემდგომში - მიმწოდებელი) წარმოდგენილი მისი დირექტორის ————— სახით, „სახელმწიფო შესყიდვების შესახებ“ საქართველოს კანონის მოთხოვნების შესაბამისად, ვაფორმებთ წინამდებარე ხელშეკრულებას სახელმწიფო შესყიდვის შესახებ შემდეგზე:

1. ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელზეც გაფორმებულია წინამდებარე ხელშეკრულება.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.

2. ხელშეკრულების საგანი

- 2.1. წინამდებარე ხელშეკრულების საფუძველზე მიმწოდებელი უზრუნველყოფს ტექნიკურ დავალებაში მოთხოვნილ საქონელს, ხოლო შემსყიდველი იღებს ვალდებულებას მიიღოს მოთხოვნილი შესყიდვის ობიექტი და გადაიხადოს მისი ღირებულება ხელშეკრულებით გათვალისწინებული წესით.
- 2.2 ხელშეკრულებით გათვალისწინებული საქონელი მოცემულია ტექნიკურ დავალებაში, რომელიც დაერთვება წინამდებარე ხელშეკრულებას, როგორც მისი განუყოფელი ნაწილი.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს ————— ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადს.

4. ანგარიშსწორების ფორმა და ვადები

- 4.1. ანგარიშსწორება მოხდება ლარებში.
- 4.2. გადახდის ფორმა – უნაღდო.

4.3. ანგარიშსწორება – დოკუმენტაციისა და მიღება-ჩაბარების აქტის გაფორმებიდან არაუგვიანეს 15 (თხუთმეტი) სამუშაო დღის განმავლობაში.

5. მხარეთა უფლება-მოვალეობანი

5.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

5.2. შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

6. სტანდარტები

6.1. ხელშეკრულების ფარგლებში მიწოდებული საქონელი უნდა შეესაბამებოდეს ტექნიკურ პირობებში მითითებულ სტანდარტებს.

6. საპატენტო უფლებები

7.1 საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

8. ხელშეკრულების შესრულების კონტროლი

8.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

9. ფასები

9.1. მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.

9.2. ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.

9.3. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

9.4. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების

დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მეორე მხარეს არანაკლებ 5 (ხუთი) კალენდარული დღით ადრე წერილობით.

10.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ფორს-მაჟორი

11.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი;

11.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. მხარეთა პასუხისმგებლობა

12.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

12.2 ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ვალდებულების შესრულების ყოველ გადაგადაცილებულ დღეზე ხელშეკრულების საერთო ღირებულების 0,1 %-ის ოდენობით.

13. დავები და მათი გადაწყვეტის წესი

13.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. გარანტია

14.1. მიმწოდებელი იძლევა გარანტიას, რომ წინამდებარე ხელშეკრულებით მითითებულ საქონელს არ გააჩნია რაიმე ნაკლი. წინააღმდეგ შემთხვევაში, მიმწოდებელი თავისი ხარჯითა და პასუხისმგებლობით უზრუნველყოფს არსებული ნაკლის აღმოფხვრას შემსყიდველის მიერ ნაკლის გამოვლენის თაობაზე

მისთვის (მიმწოდებლისთვის) გაგზავნილი წერილობითი შეტყობინების მიღებიდან არაუგვიანეს 2 (ორი) დღისა. იმ შემთხვევაში, თუ მიმწოდებელი ვერ უზრუნველყოფს ნაკლის აღმოფხვრას ამ პუნქტით განსაზღვრულ ვადაში, შემსყიდველს უფლება აქვს დააკისროს მიმწოდებელს პირგასამტეხლო ხელშეკრულების ღირებულების 0,2% ყოველ გადაგადაცილებულ დღეზე.

14.2. საქონლის ნაკლის გამო წარმოშობილი პრეტენზიის წარდგენის პირობები, ისევე როგორც სხვა ურთიერთობები რეგულირდება წინამდებარე ხელშეკრულებითა და საქართველოს სამოქალაქო კოდექსით.

15. ხელშეკრულების მოქმედების ვადა

14.1. ხელშეკრულება ძალაში შედის ხელშეკრულების გაფორმების დღიდან და მოქმედებს 2014 წლის 31 ოქტომბრის ჩათვლით.

მხარეთა რეკვიზიტები და ხელმოწერები

შემსყიდველი

მიმწოდებელი

საქართველოს მეცნიერებათა
ეროვნული აკადემია
საიდენტიფიკაციო კოდი: 203851536
რუსთაველის გამზირი 52, 0108,
თბილისი, საქართველო
ტელ.: 998891 ფაქსი: 996142

ი. ბაჩიაშვილი

4. რეკვიზიტები

1. პრეტენდენტის იურიდიული ფორმა და დასახელება:
2. ხელმძღვანელის სახელი და გვარი:
3. პრეტენდენტის იურიდიული ან/და ფაქტიური მისამართი:
4. საიდენტიფიკაციო კოდი:
5. პრეტენდენტის ტელეფონის ნომერი:
6. ელექტრონული მისამართი:
7. ბანკის დასახელება და კოდი:
8. ანგარიშის ნომერი:

5. აფიდავიტის ფორმა

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ცალბი ან/და ცრუ;

* უფლებამოსილი ვარ პრეტენდენტის მიერ, ხელი მოვწერე ამ აფიდავიტს და წარვადგინე ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

6. ფასების ცხრილი

შესყიდვის ობიექტი	ავტომობილის მარკა და მოდელი	რაოდენობა (ცალი)	საერთო ღირებულება (ლარი)
მსუბუქი ავტომობილი			

(საერთო თანხა ციფრებით და სიტყვიერად ლარებში)

(პრეტენდენტის დასახელება)

(სახელი, გვარი, თანამდებობა)

7. ავტომობილის ტექნიკური მაჩვენებლების შესახებ ინფორმაცია

საქართველოს მთავრობის № 121 დადგენილებითა და საქართველოს მთავრობის 2014 წლის 12 აგვისტოს №1420 განკარგულებით განსაზღვრული მეორადი მსუბუქი ავტომობილის მინიმალური ტექნიკური მოთხოვნები		პრეტენდენტის მიერ შემოთავაზებული ავტომანქანის ტექნიკური მონაცემები (ივსება პრეტენდენტის მიერ)
ძრავის მოცულობა არანაკლებ	1.6	
ცხენის ძალა არანაკლებ	105	
გადაცემათა კოლოფი	მექანიკური, არანაკლებ 5 საფეხურიანი	
სიგრძე არანაკლებ	4483	
სიგანე არანაკლებ	1760	
სიმაღლე არანაკლებ	1445	
უსაფრთხოების დამადასტურებელი დოკუმენტი	IIHS (ამერიკული ქრშ ტესტი)	
ელექტრო შუშები	ოთხივე	
აუცილებელი მოთხოვნა	სათადარიგო საბურავი	
აუცილებელი მოთხოვნა	მინიმუმ 4 უსაფრთხოების ბალიში	
აუცილებელი მოთხოვნა	კონდიციონერი	
აუცილებელი მოთხოვნა	აუდიო სისტემა	
აუცილებელი მოთხოვნა	საჭის გამაძლიერებელი	
აუცილებელი მოთხოვნა	ABS	
ფერი	თეთრი	
გამოშვების წელი არანაკლებ	2008	

(პრეტენდენტის დასახელება)

(სახელი, გვარი, თანამდებობა)